




Сембе масторонь пролетариятне, пуромода марс!

ЛИСЕНДИ VI-це КИЗОСЬ

ВЛКСМ-нь Мордовский
обкомъ и Саранскяень
горкомъ газетасна

Адресъ: г. Саранск, ул. Советская,
Дом печати



МАССР-нь Верховнай Совету депутатонди васенце кандидаттне

Майть 19-це шистонза Саранск ошень предприятиянь и школатнень эзга многолюднай предвыборнай собраниянь йотасть оцю воодушевления и революционной энтузиазмаса. Сядот рабочайхть, служащайхть, инженерно-технический работник, студент пуромсть предвыборнай пуромкова оцю радостьса, пашкет пламенной чувстада и энергияда. Синь пуромсть сян инкса, штоба обсудиндамс МАССР-нь Верховнай Совету депутатонди кандидатонь выдвижениянь.

Сембе предвыборнай собраниянень эзга радостнайста кайгсь ся ломанть лемоц, конац навсегда освободил советский народъ капиталистический рабства эзда, конац вятсь советский народъ победаста-победас. Кайгсь ся ломанть лемоц, конац отцовски заботендай советский народъ инкса, конац ащи мирса сембодонга демократический Конституцияти творецокс—минь родноеньконь, другоньконь и учительненьконь Сталин ялгать лемоц.

— Мон выдвигаю,— корхтай котониннай фабрикань сире рабочайш Шапошников ялгась—МАССР-нь Верховнай Совету депутатокс кандидатонди минь кельгома другоньконь, родной алянйконь и учительненьконь, Ленинонь тевонц продолжателенц, счастливый и радостнай эряфоньконь творецонц и организаторонц—Иосиф Виссарионович Сталин ялгать.

600 рабочайхть, служащайхть и инженерно-технический работник оцю радостьса васьфезь Шапошников ялгать предложениянц.

Одновременно, Сталин ялгать лемонц мархта предвыборнай пуромксень эса кайгсь маластонь сонь соратниконзон Молотов, Ежов, Каганович, Ворошилов, Микоян, Калинин ялгатнень лемсна.

— Минь, рабочайхне, инженерно-технический работникне и служащайхне—сормалыхть эсь революциясост Саранск ошень 3-це № хлебозаводонь рабочайхне, инженерно-технический работникне и служащайхне — выдвигаем МАССР-нь Верховнай органу депутатонди кандидатокс сембе человечество инь кельгома другонц, Конституцияти гениальной творецонц, конац вятсь самазь минь победаста-победас коммунизмать вершиназонза, Иосиф Виссарионович Сталин ялгать и сонь маластонь соратниконзон В. М. Молотов, Н. И. Ежов, Л. М. Каганович, А. И. Микоян ялгатнень.

Саранск ошень элеваторонь предвыборнай пуромкса МАССР-нь Верховнай Совету депутатонди кандидатокс выдвинули Сталин Молотов, Каганович, Микоян, Ворошилов, Ежов, Калинин ялгатнень.

Мордовский республикань народъ, кода и Советский Союзонь многомиллионнай сембе народъ морально-политический единствасна ащи живой воплощениякс. Минь ули лемоньке, конац ащи социализмать победанцты символкс.— Тя лемсь—Сталин!

Сталин—тя минь родноеньке, Сталин—тя минь учительненьке, Сталин—тя минь родной алянйке, Сталин—тя минь водителеньке, конац вятсь самазь победаста-победас, конац макссь тейнек счастливый и радостнай эряф, конанц знамянц ала увереннайста мольхтыа коммунистический обществати, конац тонафтсмазь минь социализмать врагонзон каршес тюрема.

Мордовский республикань народъ оцю воодушевления мархта васьфезень Сталин ялгать маластонь соратниконзон—Молотов, Ворошилов, Каганович, Ежов, Микоян, Калинин ялгатнень МАССР-нь Верховнай Совету депутатонди кандидатурасон.

Комсомолкась Савкина ялгась работай окружной избирательнай комиссиянь секретарькс. Савкина ялгась цебарь пропагандистка и агитатор. Азонкшни избирательхненди и сембе населениюти выборовн техникать, РСФСР-нь и МАССР-нь Конституциятнень.

Комсомолец Пурдошанский район.

Цебарь пропагандист

Ушедсть РСФСР-нь и МАССР-нь Верховнай Советтнени депутатонди кандидатонь выдвижениясь. Комсомолтъ лангс возлагается оцю задача — вишкоптемс агитационно-пропагандистский работать од избирательхнень и сембе населениюти йоткса, сят кандидатуратнень инкса, конатнень выдвинул коммунистонь и аф партийнаень блоксь. Лама комсомолецт и афсоюзнай одломатть примосихть ни активнай участия избирательнай кампаниянь работать эса. Од Ямской велеса комсомолецъ П. В. Кузнецов ялгась работай окружной избирательнай

комиссиянь председатели заместителъкс. Сон лувондови велеса инь цебарь пропагандистокс и агитаторкс. Сон аккуратнайста и интереснайста йотафнесыне беседанзон.

Комсомолкась Савкина ялгась работай окружной избирательнай комиссиянь секретарькс. Савкина ялгась цебарь пропагандистка и агитатор. Азонкшни избирательхненди и сембе населениюти выборовн техникать, РСФСР-нь и МАССР-нь Конституциятнень.

Комсомолец Пурдошанский район.

ДЖАМБУЛ ДЖАБАЕВ ЯЛГАТЬ ЛЕНИНОНЬ ОРДЕНЦА КАЗЕМАНЦ КОЛГА

СССР-нь Верховнай Советъ Президиумонц указоц Каземс Ленинонь ордена Казахстанонь народнай певецъ Джамбул Джабаевъ 75 кизонь творческий деятельностиенц тополема шистонза.

СССР-нь Верховнай Советъ Президиумонц председателец М. КАЛИНИН.

СССР-нь Верховнай Советъ Президиумонц секретарец А. ГОРКИН.

Моску, Кремль.
Майть 19-це шистонза, 1938 к.

1938 кизонь майть 17-це шистонза высшай школань работникнень Кремляса примамстост Сталин ялгать речец

Ялгат!

Разрешите провозгласить тост наукать инкса, сонь процветаниянц инкса, наукань ломаттнень шумбрашиснон инкса.

Наукать процветаниянц инкса, ся наукать, конац аф пирендеви народъ эзда, конац аф кирьдсы эсь прянц ичкозе народъ эзда, а анок служамс народти, анок максомс народти наукать сембе завоеваниянзон, конац обслуживает народъ аф принужденияс коря, а добровольнайста, с охотой. (Аплодисментт).

Наукать процветаниянц инкса, ся наукать, конац аф кадондсыне сонень сире и признаннай руководителензон самодовольнайста кяшендемс наукань жрецонь скорлупати, наукань монополистонь скорлупати, конац шарьхкодсь наукань сире работникнень наукань од работникнень мархта союзнон смыланц, значениянц, всеилиянц, конац добровольна и охотна панчсесыне наукать сембе кенкшензон минь странаньконь од виензонды и максси теест возможность завоевать наукать вершиназон, конац признает, што будущность принадлежит наукать эзда одломаттнени. (Аплодисментт).

Наукать процветаниянц инкса, ся наукать, конань ломаненза, шарьхкодемс наукаса ладяф традициянень вийснон и значенияснон и маштозь использовандамок синь наукать интересонзон инкса, сембе сяка жа аф йорайхть улемс рабокс нят традициятнени, конанц ули смелостец, решимостец синнекшнемс сире традициятнень, норматнень, установкатнень, мзярда синь арсикхть сиредьфокс, мзярда синь арсикхть тормозкс инголи молемати, и конац машты тиендемс од традицият, од нормат, од установкат. (Аплодисментт).

Эсь развитиясонзэ наукась содай аф кржа мужественнай ломатть, конат маштсь синнемс сиреть и тиес од, афваномок кодамовок препятствия лангс, вопреки сембонди. Наукань тяфтама муйхнень, кода Галилей, Дарвин и лама лиятнень содасазь сембе. Мон йоралень ба лоткамс наукань фкя тяфтама корифеень лангс, конац тяконь шовораша современной человечествати величайшай ломанькс. Мон имею ввиду Ленинтъ, минь учительненьконь, минь воспитателеньконь. (Аплодисментт). Лятфтасть 1917-це кизоть. Россиять общественнай развитиянц анализонц научнай основанц коряс, международнай положениять научнай анализонц основанц коряс Ленинтъ тийсь эста вывод, што положения эзда единственной лисемакс ащи Россияса социализмать победац. Тя ульсь более-чем апак учсек вывод наукань ся пингонь ламоц ломаттнени. Плехановсь, наукать выдающай ломанензон эзда фкясь, презрения мархта эста корхтамок Ленинтъ колга, утверждал, што Ленинц ащи "бредса". Лиятне, наукань не менее известнай ломаттне, утверждали, што "Ленинц йоньда лиссь", што сонь эряволь ба кяшемс ковга сяда ичкози. Ленинтъ каршес эста урокодсть наукань сембе и всякай ломаттне, кода ломанень каршес, конац срафнесы наукать. Но Ленинц ашезь пель модемс течениять каршес, косность каршес. И Ленинц сяськсъ. (Аплодисментт).

Вов Теентъ наукань мужень образец, конац смелста вяти тюрема сиредьф наукать каршес и конац тиенди ки од наукати.

Эрсьи станянга, што наукань и техникань од кит тиендихть кой-мзярда наукаса аф общеизвестнай ломатть, а научнай мирса прокс неизвестнай ломатть, простой ломатть, практикт, тевонь новаторхт. Тяс марстонь моркшть ваксса озадот Стахановсь и Папанинцъ. Научнай мирса неизвестнай ломатть, но конатнень улихть ученаень степеньцна, эсь тевсост практикт. Но кинди аф содаф, што Стахановсь и стахановечне промышленностень областьса эсь практический работасост йордазь уликс норматнень, конатнень ладязь наукань и техникань содаф ломатть, кода сиредьфонь, и тийсть од нормат, конат соответствовандайхть действительнай наукать и техникать вешфксондонь? Кинди аф содаф, што Папанинцъ и папанинечне дрейфующай эйть лангса эсь практический работасост йотамбачк, башка трудфтома, йордазь Арктикати колга сире представления, кода сиредьфонь. И ладязь од, действительнай наукать вешфксонзонды соответствующай? Кие может отрицать, што Стахановсь и Папанинцъ ашихть наукати новаторкс, минь передовой науканьконди ломанькс?

Вага кодапт нинга эрсьихть наукаса "чудесат". Мон корхтань наукать колга. Но наука эрсьи всякай. Ся наукати, конань колга мон корхтань, мярьгондихть передовой наука.

Минь передовой науканьконь процветаниянц инкса! Передовой наукать ломанензон шумбрашиснон инкса! Ленинтъ и ленинизмать шумбрашиснон инкса! Стахановть и стахановечнень шумбрашиснон инкса! Папанинтъ и папанинечнень шумбрашиснон инкса! (Аплодисментт).

Мордовский народть васенце депутаток Иосиф Виссарионович СТАЛИН ялгась



Оцю мьяль мархта йотась Саранский Мордовский рабфака предвыборной собраниясь, коңац ульсь посвященный РСФСР-нь и МАССР-нь Верховный Советтнени депутатонди кандидатонь выдвижения. СНИМКАСА: рабфаконь студентне предвыборной собраниясь.

Фотось П. ИВАНОВЪ.

И. В. СТАЛИН
ялгать, сонь вернай
соратниконзон и
Мордовский народть
лучшай представи-
телензон верховнай
властень оргаттнен-
ди

**Предвыборнай
марстонь пуромксста**

Саранск ош. Май ковть 19-це шистонза консервной комбинатонь рабочайхне, служащайхне, инженерхне, техникне пуромсть предвыборнай пуромкс, штоба пашкодемс эсь долгсон, Верховнай властти выдвинуть депутатонди кандидат.

Выступающей ялгатне ашесть мушенда валхт, штоба азомс эсь преданностьсон и любовьсон большевистский партияти, советский властти и великай, мудрай вожди Сталин ялгати. Синь седи вакстонь корхамасон, простой, но выразительнай валсон Сталин ялгать, сонь вернай соратниконзон и Мордовиянь народть лучшай ломанензон депутатонди кандидатокс выдвижениясон колга пуромкссь васьфнезень аплодисментонь увфса, синь лемсост „ура“ ивадемаса.

Пуромксонь участникне, кода фкя, примасть резолюция, коса азозь эсь великай волясон, пфетема преданностьсон большевистский партияти и сонь великай вожденцы Сталин ялгати.

МАССР-нь Верховнай Советти депутатонди кандидатокс пуромкссь выдвинул Сталин ялгать, сонь соратниконзон В. М. Молотовъ, Л. М. Кагановичъ, К. Е. Ворошиловъ, Н. И. Ежовъ, М. И. Калининъ. Тяда башка МАССР-нь Внутренний тевонь Наркомъ, СССР-нь Верховнай Советонь депутатъ Н. В. Красовский, консервной комбинатонь од лучшай стахановкаты П. В. Журавлевъ. Пуромкссь теест эняльди, штоба синь максольхть согласия баллотироваться депутатонди кандидатокс МАССР-нь Верховнай Совету.

Саранск ошень консервной комбинатонь рабочайхне инженерно-технический работникне и служащайхне предвыборнай пуромксон сьормасна

**Сталин ялгати
Дорогой Сталин ялганьке!**

Аш валоньке, штоба азомс пях оцю кельгоманьконь, благодарностеньконь Ленинонь-Сталинонь партияти, конань руководстванц ала СССР-нь рабочай классъ и трудящай крестьянствась лиссь капиталистонь и помещиконь игать алда и шарфтозь минь РСФСР-ть и МАССР-ть радостень и павазонь странакс.

Предвыборнай пуромксоньке минь, Саранск ошень консервной комбинатонь рабочайхне, работницатне, инженерно-технический работникне фкя мьяльса выдвинули Тонь, Иосиф Виссарионович, РСФСР-нь и МАССР-нь Верховнай Советтнени кандидатонди васенце депутатокс, сяс мес Тон минь вятемасть и вятсамасть павазти, радостнай, зажиточнай и культурнай эряфти.

Тонь лемце—тя минь могучай, необ'ятнай сембе родинаньконь народонзон тюреманы и победаны символон. Тейть, Сталин ялгась, радостнай эряфонь максыти макс-тама обещания выборонь шитнень пингста июнь 26-це шистонза 1938-кизоня кода фкя модемс избирательнай урнатненди и коммунистонь и беспартийнаень нерушимай, непобедимай Сталинский блокть основаса максомс эсь вайгяленьконь минь родинаньконь лучшай ломанензонды, конат преданнайхть Ленинонь-Сталинонь тевть инкса.

Саранск ошень котониннай фабрикань рабочайхнень, служащайхнень и инженерно-технический работникнень резолюциястост

Обсудиндамок МАССР-нь Верховнай Совету депутатонди кандидатурань выдвижениять. Минь Саранск ошень котониннай фабрикань рабочайхне, служащайхне и инженерно-технический работникне выдвигаем Тонь, любимай вожденьконь и другонькен Иосиф Виссарионович Сталин ялгась.

Минь эняльттяма Тейть Иосиф Виссарионович, штоба максолеть Саранск ошень промышленнай округса баллотировандамь согласия.

Июнь 26-це шии РСФСР-ть и МАССР-ть освобожденнай народсон историзост сувай кода Ленинско-Сталинский национальной политикаты победанц колга замечательнай праздник.

Минь макстама обязательства, штоба выборонь шити самс комбинатонь—1-це полугодиянь производственной программаты пашкодемс нормада вельф

Минь обязуемс вишкоптемс революционной бдительностеньконь, машфтомс вредительствань последствитнень и улемс анокста, штоба любой минутаста максомс сокрушительнай удар минь социалистический родинаньконь любой врагонцы.

Минь обязуемс вяр кирдемс-Марксонь—Энгельсонь—Ленинонь—Сталинонь победаноснай знамясон, сядя теснаста пуромомс большевистский партияти перьф и Тонь руководствань ала максомс сокрушительнай удар троцкистско-бухаринский, буржуазно-националистический бандиттнени, германо-японский фашизманы продажной пинетненди.

Шумбра улеса минь великай, мудрай, вожденьке и учителеньке Сталин ялгась!

Шумбра улеса коммунистонь и беспартийнаень несокрушимай Сталинский блоксь.

Пуромксонь президиумсь.

Мордовский педагогический институтть профессорско-преподавательский составон, студентне, служащайхне и технический работникне марстонь собраниясь МАССР-нь Верховнай Совету депутатонди кандидатокс выдвинули

Иосиф Виссарионович СТАЛИН ялгати

Майть 19 шистонза Мордовский Педагогический Институтса оцю под'ем мархта йотась предвыборнай собраниясь.

Васенцесь выступил студентсь Малькин ялгась. Сон собранияти предложил МАССР-нь Верховнай Совету депутатонди кандидатокс выдвинуть великай вождь Сталин ялгати. Тя предложенията собраниясь васьфнезе бурнай аплодисмент и «ура» вайгяль мархта.

Предвыборнай собраниять постановлениязь эзда

Присутствовандась 500 ломатть

Кулхондомок и обсудиндамок Мордовский Автономнай Советский Социалистический Республикань Верховнай Совету депутатонди кандидатонь выдвижениять колга Мордовский Педагогический Институтть профессорско-преподавательский составон, студентнень, служащайхнень и технический работникнень марстонь объединеннай собраниясна постановляет:

Выдвинуть МАССР-нь Верховнай Совету депутатонди кандидатокс Марксонь, Энгельсонь и Ленинонь тевсон вернай и гениальной продолжительнон, самый демократический Конституциять творецонц, наука и искусство гигантски кепсиенц и вишкопниенц, ВКП(б)-нь ЦК-ть генеральной секретаренц Великай Иосиф Виссарионович Сталин ялгати.

Общай собраниясь эняльди Тейть, кельгома Иосиф Виссарионович, макс эсь согласиянь МАССР-нь Верховнай Совету депутатокс баллотироваться Саранский промышленнай избирательнай округть эзга.

Шумбра улеса коммунистнень и беспартийнайхнень Сталинский афсьясковикс блоксна!

Шумбра улеса трудящайхнень кельгома вождьсна — великай Сталинъ!

Тяка жа собраниясь бурнай аплодисмент ала выдвинутайхть РСФСР-нь Верховнай Совету депутатонди кандидатокс кельгома, великай Иосиф Виссарионович Сталинъ и сонь маластонь соратниконза, партияти и Советский правительствать руководителенца Вячеслав Михайлович Молотов, Лазарь Моисеевич Каганович и Михаил Иванович Калинин ялгатне.

Тяда башка общай собраниясь РСФСР-нь Верховнай Совету депутатонди кандидатокс выдвинул махорочнай фабрикатъ наборочнай цехонц начальниконц, Ленинонь—Сталинонь партияти преданнай большевикъ—Полежаевъ.

Общай собраниясь эняльди Сталин, Молотов, Калинин, Каганович и Полежаева алгатненди максомс эсь согласиясон РСФСР-нь Верховнай Совету депутатокс баллотироваться Саранский избирательнай округть эзга.

Мирть и демократиять од ареляенза

Сьорма Чехословакияста

Чехословакиянь одломаттне пед-а-пес шарьхкотьсаз угрозань сембе серьезность, конац созданной германский фашизмат агрессиянц ширде.

Тяконь шоворхт Чехословакиянь одломаттне шарьхкотьсаз, што аныцек агрессорть каршес решительнайста тюремаса, кода и сятнен каршес, конат йорайхть теенза лездомс, или лездыхть ни, может оградить Чехословакиянь и сонь одломанень поколениянц фашистский рабствань ярмоть эзда.

Фашизмат каршес тюремат, действияннени эсь готовностенц чехословацкий одломаттне няфнесазь тевса. Сядот од боецт, конат представляют Чехословакиянь нароттнень, ареляйхть ни демократиять, оружие мархта ареляйхть минь республиканьконь, тюремок Испанияса войнать эса. Синь йотксост 120-да лама од боецт — „одломанень Союзонь члеть“ (конань основной ядронц составляет комсомолсь) няфнихть героизмань образец. Лездомок Испанский народти, минь одломаненьке арелякшихть сембе мирса демократиять и тяка мархта отстаивают чехословацкий народть независимостенц и свободанц.

Мекпальдень неделатнень пингста Чехословакияса ульсь йотафтф общественной виень мобилизация. Народнай массатне арась эсь странаснон арелямонза, од поколениясь марса сембе народть мархта оцю вайгяльса азозе эсь странанц целостенц и независимостенц ваноманц инкса эсь готовностенц.

Нинге март ковть 17-це шистонза пуромкшнесь одломанень комитетсь, кося ульсь представленнайхть странать сембе юношеский организациянза.

Комитетти сембоц сувси 25 организацият. Тя комитетсь примась обращения, кося корхтати:

„Чехословакиянь одломаттне“:

1) „Анок сембе возмозной средстватнень мархта арелямс Чехословацкий государствать независимостенц и неприкосновенностенц и кандомс тя цельть инкса сембе необходимой жертватнень.“

2) Поддерживает внешняя политика, конац опирается Чехословакиять, Франциять и Советский Союзть мархта заключенной договоронзон лангс, сон ащи нациянь лигать инкса, сембе сят государстватнень сотрудничестваснон инкса, конат заинтересованнайхть мирть ванфтомаса.

3) Высказывается чехословацкий конституциять рамкаса национальной меньшенстватнень требованиснон инкса“.

Тя обращения подписали 25 одломанень организацият.

„Одломанень Союзть“ 1938-це кизонь апрель ковть 3-це шинь обращениясонза указывается:

„Одломаттне демонстрировандайхть эсь готовностенц арелямс республикати, кда тя эржавкты, максомс и эрфснонга. Сон отвергает всякай капитуляциять и высказывается странать и народть врагонзон инголе отступленийть каршес.“

Чехословакиянь таниень президент Бенешат партиянц одломанень организация 1938-це кизонь март ковть 13-це шистонза Брноса эсь с'ездсонза примась тяфтама обращения:

„Миньдеенек аф эржави война, и аф нолдасась, штоба кие-либа эшель минь внутренняй тевознок. Кда эржавкты, минь радт ульхтяма максомс эсь эрффоньконь республиканьконь целостенц и независимостенц инкса. Минь выступаем

малодушиань всякай проявлениянень каршес, и антигосударственнай и антидемократический элементтнень мархта переговоронь всякай предложениянень каршес, и любой попыкатнень, конат тиендевихть тя направленияса, ванонтсайнек, кода слабость и предательства минь народоньконди. Минь нинге весть призываем единствати, сплоченностти, штоба любой врагсь мулемазь минь аноклафта, эсь независимостеньконь инкса тюремань замкнутой стройса.

Тяфта ваныхть тевть лангс одломанень и лия организациятневок. Пяк активнайста вятсаз эсь пряснон студеттне. Март ковть 10-20 шинзон пингста йотась „Чехословакиянь студенчество Центральной Союзонц“ конференция (тя союзсь охватывает 25-шка тьожань ломань), кося ульсь примась республикати ареляманц связьса студенчествовать основной задачанзон колга резолюция. Конференцияса ульсь путф, ушедомс учебнай заведениянень эзга студенческий легиононь формированиять, штоба тоса йотамс военной обучения.

Чехословакияса спортивной организациява лувондови 1,5 миллионшка ломань, конат стая жа выступают республикати ареляманц инкса. „Сокол“ физкультурнай организациясь, кося лувондови 750000 членда лама (тя числста 100.000 одломатт 14 кизоста савомок 18 кизос молекс)—йотни событиянень пингста апрель ковть 7-це шистонза опубликован дась обращения, кося корхтати: „Чехословацкий“ „Соколонь“ члетьне, конат объединеннайхть взаимнай кельгомаса и доверияса, тя ответственной моментть пингста ашихть стражаса. Минь не сдадимсь“.

Тяфтама жа позиция республикати ареляманц кизефкса заньчихть республикань спортивной и физкультурнай крупнай лия организациятневок.

Испанский одломаттнень примерсна сембода сяда вишкста действуют Чехословакиянь антифашистский одломаттнень лангс. Единодушна, сембе решимостьса синь выступают реакционной партиянь проискнен каршес, синь попыткаснон каршес, конат йорайхть срафтомс одломаттнень вийснон и слабайгафтомс синь боеспособностьснон.

Минь одломаненьконь оцю пилькснон выступлениясна и деятельностьна няфнесазь, што нят одломаттне анокт республикати ареляманцты и што синь требуют ванфтомс и келептемс дружественной сотксть Советский Союзть мархта. Однако, может лисемс тяфтама кизефкс: кда Чехословацкий республикань одломаттнень настроенисна тяфтапт, то мес жа синь эсь взгляднон ванфтомаснон инкса аф пуропнихть кели демонстрацият, митинкт и стак тов.? Мес одломаттне аф лисендихть ульцяз? Тяс эржави мяляфтомс, што тядден кизоть март ковста од антифашисттне выступали ни эсь демонстрацияснон мархта марнек республикаса. Ошева, велетнень эзга, заводга ульсь йотафтф оцю пуромкст и выступленият. Аныцек фкя демонстрацияса, конац ульсь Прагаса, примась участия 30000 ломаньда лама. Сембе одломаттне мольсь единой фкя колоннаса, аф ваномок сян лангс, што ульсь разнай организациян эзда. Тяфтама жа демонстрацият ульсь Кладноса, кося примась участия 20000 ломаньда лама, и лия ошева. Однако, апрель 1-це шистонза Чехословацкий правитель-

ствась лоткафтозень сембе митинкнень, демонстрациятнень и массовой выступлениянень, об'ясняндамок тянь ся мархта, што сон пяк эржави „странать умиротворениянцты“. Правительство тяфтама политикац народнай массат йоткса тиенди справедливый недовольствия и протест. Сян вастс, штоба лоткафтомс генлейновещнень провокационной деятельностьюснон (гитлеровский фашизмат открытай агентурац Чехословакияса) правительствась лишил массат выступать и демонстрировать эсь виенц. Республикати действительнай защитниконза фактически лишились правда йотафнемс эсь демонстрацияснон, кемокснемс эсь рядснон. Тяфтама политикась аф арси республикань арелямань политикакс, а меклант лезды сонь слабайгафтоманцты и народнай вийть демобилизациянцты. И аныцек тани, народнай движениянь протестонь давлениась заставазе Чехословакиянь правительствать полафтомс распоряжениянц пуромкшнен и демонстрациятнень лоткафтомаснон колга.

Реакциясь всякай лаца стреминдай сянди, штоба шорямс Чехословакиянь независимостенц и свободанц инкса подлиннай сторонникнень об'единеннай выступленияснонды. Теенза удалась сатомс ся, што правительствась лоткафтозень митинкнень и демонстрациятнень, но сон не может „лоткафтомс“ народнай массатнень единствати стремленияснон.

Чехословакияса народнай масса-тнень об'единениясна вишкомкшни. Опасность, конац гразай народти германский фашизмат ширде и сонь чехословацкий агентуранц ширде аныцек ускоряет тя процессть.

Чехословакиянь передовой одломаттне эсь выступлениясостука зывают правительствать уступкань политикань пагубностть лангс реакционерхенди и фашизмат. Молодежсь заявляет эсь готовностенц колга максомс сембодонга оцю жертват республикати ареляманц инкса. Но сон категорически веши сян, штоба аф молекс уступкас вракнени. Сон категорически ащи капитуляциянь политика и слабость всякай проявлениятнень каршес. Сон заявляет: странаса любой, даже йофси аф значительнай уступкатне фашистский провокаторхенди и синь агентураснонды ашихть синь захватнический планшонды сяда тов поощрениякс.

Чехословакиянь од ломаттне лувондсаз эсь пряснон сембе наротть йоткса частекс, конац анокт республикати ареляманцты. Одломаттне содасазь, што республикати ванцы лац вооруженнай и тонафтф армия. Сон верондай, што кда ули серьезнай осложнение Чехословацкий народть ширес йотай человечествовань сембе передовойсь и што, Чехословацкий республикати союзниконзон, конат ашихть могучай вийкс, аф кадсазь сонь критический моментста.

Народсь фатяф решимостьса эрь минутаня арелямс эсь свободанц. Реакционной партиятне, меклангт, анокт капитулировать гитлеровский фашизмат инголе. Республикати ареляензон вийснакасыхть, синь самоотверженностьсна и готовностьсна тюрематти кемокстайхть. Чехословакиянь народнай массась и сонь одломаненза сплачиваются, об'единяются, и синь волясна мирть, свободать и демократиять ареляманц инкса странаса эрь шиня закаляются. **Фр. Славкин.**

Кода пашкотькшнесазь ВЛКСМ-нь ЦК-ть V-це пленумонц решениянзон

ВЛКСМ-нь ЦК-ть V-це пленумонц решениядонза меле Баева велеса (Ичалковский район) афсоюзнай одломаттне ушедсть оцю мяльса сувама комсомолу, а комсомолечне партияв.

1938-це кизоть васенце квартал-стонза ВЛКСМ-нь комитетсь про-верендаф афсоюзнай одломаттнень йоткса примась 210 ломань комсомолу, конатнень эзда 75-сь стирхть. Апрель ковть пингста примась 84 ломань комсомолу, сембе од комсомолечне кемоста кярьмодсть работати.

Йофси лиякс моли тевсь Ро-жественно велень комсомольский организацияса. Комсоргокс тяса работай Ивлесь. Сон комсомолечнень мархта кодамовок работа аф вяти; комсомольский работать вятманцты кодамовок план аш. РСФСР-нь и МАССР-нь Верховнай Советтнени кочкаматнень колга Положениять тонаф-несазь йофси калдывста.

Работа афсоюзнай одломаттнень, а станяжа колхозникнень йоткса йофси аф вятихть. Теест аф азон-кшнесазь РСФСР-нь и МАССР-нь Верховнай Советтнени кочкаматнень колга Положениятнень.

Ковонга аф кондыти комсомолечнень йоткса комсомольский дисциплинась. Комсомольский пуромксу якайхть аныцек 50 процентсь. Тянь сюнеда комсомольский организациясь ащи срадома ланкса.

Ивлести куроконь пингста эржави комсомольский работать ладямс по-большевистски и вятемс мас-сово-политический кеме работа кода комсомолечнень, а станяжа и афсоюзнай одломаттнень и колхозникнень йоткса.

Исламкин.

Саранск ош.

Лац ладяф комсомольский работась

Пиче Полага велеса первичнай комсомольский организациясь тя пингть цебарьста ладязе работанц. Тяда инголе комсомольский организациять эса ульсь аныцек каф-та-колма комсомолечт, а май ковть пингста комсомольский организациясь кассь 16 комсомолечт. Тя комсомольский организациясь апрель и май кофнень пингста работанц ладязе пяк лац.

Комсомольский организацияста 10 комсомолечне работайхть РСФСР-нь и МАССР-нь Верховнай Советтнени кочкаматнень колга Положениять тонафнемаса агитаторкс, йотафнихть регулярнай-ста и активнайста колхозникнень йоткса занятиятнень.

Тундань видема комсомолечне молихть афсоюзнай одломаттнень коряс инголе, работаснон эрь шиня пашкотькшнесазь нормада вельф.

Май ковста Пиче Полагань комсомольский организациясь ушедсь соревновандама Кишалинский комсомольский организациять мархта, кося азонтф, штоба эрь шиня работань норматнень пашкотькшнемс нормада вельф, тяфтажа афсоюзнай одломаттнень и колхозникнень йоткса йотафнемс массово-политический работа.

Торопкин.

Атюрьевский район.

Джамбул Джабаев

(75 кизот поэтический деятельностенцы)

Казахстанонь народнай певець-орденоносець Джамбул Джабаев шачсь февраль ковста 1846 кизоня таниень Алма-Атинский областень Кастинский районень степень эса:

— Монь алязе Джабайсь ульсь беднай казах—кочевник, каннекшнесь сязентьф чапан,—тяфта лятфнесы эсь эряфонц Джамбульсь.

— Сембе пiali, коза тят варжакста ульсь галыш степт. Мон касонь юртаса.

Джамбулти ульсь 12 киза, мзярда сон тонадсь морама домбраса, а 14 кизоса ушедсь эряма самостоятельно. Васенцеда сон морсекшнесь иля ломанень морот, а тоса кармась морама эсь моронзон и тьянь лангса трякшнесь прят.

Сизьгемонь киза Джамбульсь эрясь закабаленнай—колониакс шарфтьф казахский степса, и эсь сельмесонза няезе народть сембе нужашино, конац эсь лангсонза каннесь кафтонь крда гнет—русский оцзороннеть и эсь хансон, байснот и муллатнень.

Сяс мянь 70 кизос Джамбульсь морась народть горянц колга, стака эряфонц колга. и нужаи колга. Сяка пингть сон морась народть надьяманц колга, гнетть каршес народть тюремани

колга. Тянкас кемоста кельголезе Джамбульть народсь, но тянкас жа изезь кельгоньде сонь байхне, муллатне и оцзорть ставленниконза.

Азондомок эсь эряфонц, Джамбульсь корхтась: Кда мондиень ульсь 55 кизот, мон эсь прязень марайне калдывста. Сиредемать эзда и стака эряфть эзда мон осалгодонь, копорьгодонь, калдывста кармась няема сельмоне и калдывгодсь монь вайгялезе. Виезе изь сатнекшне моронь морамс.

Октябрьский Революциясь кандсь Джамбулти од вий, бодрость, од морот. Джамбульсь ушедсь морама свободнай, равноправнай наротнень счастьяснон, радостнай эряфснон колга. Сон ушедсь морама народонь вождытнень Ленинт и Сталинть колга, конатнень вельде минь родинаньконь сембе национальностень народонза сатозь ты счастливай панчфокс панжи эряфть.

Сембе народсь кельксыне Джамбульть моронзон. Сон кельксыне сяс, мес Джамбульсь морай народть счастьяи колга, народть вождензон колга.

Советский правительствась моронзон инкса Джамбульть казезе трудовой Красная Знамя ордена.



СНИМКАСА: Казахстанонь народнай певець Джамбул эсь уноконц мархта Фотось Г. Акмаленскияень (Союзфото).

Комсомолецне агитаторхт

РСФСР-нь и МАССР-нь Верховнай Советтненьди выборнай кампанияса ленинский комсомольсь примси пик активнай участия. Сон выделит эсь инь цебярь членонзон агитаторкс, пропагандистокс и чтецекс, конат населениять и особенно од избирательнень йоткса йотафнихть оцю массово-разъяснительнай работа. Аф стак колхозникне и сембе трудящайхне предвыборнай эсь собраниясост инь цебярь комсомолецнень кочказь участковой избирательнай комиссиянь членкс.

Морд. Козловка велеса сембе комсомолецне, кода фкя работайхть агитаторкс. 5 комсомолецт кочкафт участковой избирательнай комиссиянь членкс, конатнень эзда 2 кочкафт участковой избирательнай комиссиянь секретарькс и 1 председателъкс.

Нят ялгатне аккуратна йотафнихть занятияи и беседат избирательнень йоткса, синь оцю авторитетсна населениять йоткса.

Мелешкин.

А тюрёвань район.

Работамс аф арьсихть

Кулдымонь аф полной средней школыа юкстазь добровольнай организациятнень работаснон.

ОСО-нь и МОПР-нь организациятнень эса тачимс ащесть йотафнев кодамовок работат.

Ученикнень ули оцю мяльсна

примамс цебярь участия нят кружокнень эса, но синь мархтост работа аф вятети.

Кружковецне учихть мзярда кармай йотафтовома мархтост работа.

Сураев.

Вертелимонь район.

Можна или аф критиковандамс школань руководствать?

(СБОРМА РЕДАКЦИЯВ)

Тонафнян Мамалаевань средней школыа 10-це класса. 10-кизонь тонафнемазень пингста ашель фкявок калдыв отметказе, мезенкса школать ширде улень аф весть казф. Кода комсомолонь член, вятень массово-разъяснительнай работа населениять и особенно колхознай одломаттнень йоткса, вятян кеме тюрема школыа и велеса сембе ненормальносттнень каршес. Массовой работазень вельде 15 одломань сувафтонь комсомолу.

Школосонк 8-це класса тонафни фкя од стирья—Шукунова, конац васенда тонафнесь лац, но мзярда кармась „якама“ преподавательть Рябовть мархта, тосон кармась калдывста тонафнема. Мон кода комсомолонь комитетонь секретарь, путине кизефксть Шукуновать колга комсомольский пуромксса, коса азыне, што учительхненди афоль эряв васькафнемс ученицатнень, аф аерфнемс синь тонафнемать эзда. Нят валдон меле Рябовсь и сонь ялгац школань директорсь Курятниковсь кяжияхть лангзон и кармась тейне предьявлять аф законнай обвиненият. Учителсь Ермаковсь отказась тиемс антирелигиознай темас доклад, но теенза мярьгонь, што сон тись аф лац, а сон ты валда меле кармась монь обзывать „контрреволюционеркс“, „клеветниккс“ и стак тов. Ся аф саты, нинге кармась лиякс мстить мондине;—аф путни отметкат, тяфта сон ащезь пута тейне отметка физикаса.

Мон аф шарьхкодсь, мезенкса монь кода повсь обзывают учительне, сяс штоли, мес критиковандан синь, кода комсомолецонь афсатыкссон.

Школань директорсь Курятников ялгась, мес мон тунданы каникулада меле аф ламода опоздал занятиятненьди,—объявил тейне

строгай выговор и мярьгсь: „Монтейть максан стама характеристика, конанц мархта тонь неток-што примамс высшай учебнай заведения, а синь малазостка аф нолдатыдзесь“.

Сембе нят фактнень колга обрщалась Рыбкинань РОНО-ти и ВЛКСМ-нь райкомти, но тоста мон получань фкя ответ: „Кда объявили строгай выговор—значит правильна“. Синдеест сядя няеви“.

Эняльдян, „Комсомолонь вайгяль“ газетать редакциянты вмешаться монь тевозон и азомс, можна али аф мярьгомс ся комсомолецти „контрреволюционер“, конац критикует афсатыкссонь?

К. Прошкин.

Рыбкинань район.

РЕДАКЦИЯТЬ ЭЗДА

Эрь комсомолецть, советский эрь честнай ломанть улихть праванза критиковандамс эрь работникть афсатыкссонзон. Партиясь и лично Сталин ялгась тонафтыхть критиковандамс любойть, аф ваномок сонь личностени и „чинонц“ лангс.

Следовательно, ня ялгатне кда кяжияхть и мсят критикать инкса, синь новляихть оцю эльбяткс, синь аф шарьхкодсь тьянь колга партияи и правительствать указаниаснон, а кда шарьхкодсь, то сознательно нарушандакшнесазь.

И кда тяфтама кис арасть Рыбкинань РОНО-нь и ВЛКСМ-нь райкомонь руководителъхне, то синь станя-жа проявляют бездушия, беспечность руководстваса. Синь юкстазь Сталинский заботать ломаттнень, кадратнень колга.

Редакциясь веши Рыбкинань ВКП(б)-нь райкомть, МАССР-нь Наркомпрость ширде вмешаться тятети и примамс эрявикс мерат виновникнень мархта.

Редакциясь.

Политучебань кружокнень колга, коса пропагандистокс работайхть учительхть

Сяс, мес учительхне, конат работайхть комсомольский политкружоконь руководителъкс, кизонь каникулатнень пингста и туйхть 2 коновонь отпускс, а политшколатнеи кружокне, коса синь ащесть пропагандистокс ты пингть илядыхть руководителъфтома. ВЛКСМ-нь Обкомсь азонкшнесы:

ВЛКСМ-нь горкомсь, райкомтне политграмотань сембе школатнень

и ВКП(б)-нь историянь тонафнема кружокнень эса, коса работайхть пропагандистокс комсомолецт-учительхть должны выделить нят политшколатнень и кружокнень эзда сядя подготовленнай ялгат руководителъкс нят политшколатненьди и кружокненьди, ся пингти самс, мзярда нят учительхне-пропагандисттне сайхть отпускста.

ВЛКСМ-нь Обкомсь.

Физкультурнай хроника

Саранск ошень футбольнай розыгрышти илядсь аф лама пинге. Футбольнай командатне аноклайхть, штоба улемс победителъкс.

Майть 18-це шистонза ульсь „Военвед“ и „Спартак“ 2-це командатнень йоткса очередной васадема. Налхкомась аделавсь 4:0 „Военвед“ командать пользас.

Тяка жа шиня ульсь „Спартак“ 1-це командать и „Пишечик“ 1-це командатнень йоткса футбольнай васадема. Налхкомась аделавсь 4:2 „Спартак“ Ленинонь орден командать пользас.

Республиканский пионервожатаянь школыа цебарьста ладяф физкультурнай работась. Курсантне ГТО-нь значокти питаи сембе норматнень максозь. Илядсть

стрельбань, плаваниянь и греблянь норматне.

Ня норматнень маластонь пингть макссазь.

К.

Петькс

56-це № „Комсомолонь вайгяль“ газетаса, редакциять сюнеда нолдаф эльбяткс. 4-це страницаса, 4-це колонкаса, „Колхозса стенгазетась“ статьяса, васенце абзацсь эряви лувомс: „Болду велень Калинин ялгать лемса колхозса регулярнайста новляви стенгазета“.

Ответ. редакторть инкса Н. АЛЕМАЕВ.